

醫
圖
範



醫
國
範

490.9

Ih-3



No. 2079

18 j 32

富士川文庫

1298

全



醫範

諳素問甲乙黃帝鍼經明堂流注十二經脉三部九
候五臟六腑表裏孔穴本草藥對張仲景王叔和阮
河南范東陽張苗靳邵等諸部經方解陰陽祿命諸
家相法及灼龜五兆周易六壬竝須精熟又須涉獵
群書何者若不讀五經不知有仁義之道不讀三史
不知有古今之事不讀諸子觀事則不能默而識之
不讀內經則不知有慈悲喜捨之德不讀莊老不能
任真體運至於五行休王七耀天文並須探蹟

右第一章



瞻
小心大膽圓智方行

右第二章

治病必當安神定志無欲無求先發大慈惻隱之心誓願普救含靈之苦若有疾厄來求救者不得問其貴賤貧富長幼妍媸親善友華夷愚智普同一等皆如至親之想亦不得睽前顧後自慮吉凶護惜惜身命見彼苦惱若已有之深心憐愍勿避峻嶮晝夜寒暑飢餓疲勞一心赴救無作工夫形迹之心

右第三章

大醫之體欲得澄神內視望之儼然寬裕汪々不皎

不昧省病診疾至意深心詳察形候纖毫勿失處判鍼藥無得參差雖曰病宜速救要須臨事不惑唯當審諦覃思不得於性命之上卒尔自逞俊快邀射名譽

右第四章

到病家縱綺羅滿目勿左右顧眄絲竹湊耳無得似有所娛珍羞迭薦食如無味醴醕兼陳看有若無

右第五章

為醫之法不得多語調笑談譁誼譁道說是非議論人物銜耀聲名訾毀諸醫自矜已德

右第六章

人行陽德人自報之人行陰德鬼神報之人行陽惡人自報之人行陰惡鬼神害之

右第七章

醫人不得恃已所長專心經略財物但作救苦之心於冥運道中自感多福者耳

右第八章

世有愚者讀方二年便謂天下無病不治及治病三年乃知天下無方可用故學者必須博極醫源精勤不倦不得道聽塗說而言醫道已

右第九章

右醫範九章家大人所撰寫千金方中每旦誦讀以自戒也夫孫真人世以為仙醫固應無所拘束而有如斯戒律則凡為醫者豈可不謹慎勉勵邪家大人直取為我家醫範其有旨哉恬今手鈔以与

信厚信重二兒尔輩謹守之

文化十五年戊寅人日伊澤信恬記

文受十一年三月念九日鼓常時謹寫

